

故宮
珍本
纂刊

廣東府州縣志

共二十三册
第二十一册



故宮博物院編

海南出版社

故宮珍本叢刊第 186 冊廣東府州縣志第 21 冊(共 23 冊)

故宮博物院編

懷集縣志

廣寧縣志

新興縣志

東安縣志

西寧縣志

第二冊(共二冊)

海南出版社

圖書在版編目(CIP)數據

故宮珍本叢刊.第185~186冊,地理.都會郡縣.廣東,[乾隆]懷集縣志、[乾隆]廣寧縣志、
[乾隆]新興縣志、[乾隆]東安縣志、[康熙]西寧縣志/故宮博物院編.-影印本.-海口:海南出
版社,2001.4

ISBN 7-80645-980-4

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06822 號

故宮珍本叢刊第 186 冊
廣東府州縣志第 21 冊(共 23 冊)
[乾隆]懷集縣志 [乾隆]廣寧縣志 [乾隆]新興縣志
[乾隆]東安縣志 [康熙]西寧縣志
第二冊(共二冊)

故宮博物院編
責任編輯:李升召

*

海南出版社出版發行
海南省海口市金盤開發區建設三橫路 2 號 郵政編碼:570216
湖南省新華印刷三廠印刷
湖南省長沙市韶山路 158 號 郵政編碼:410004
本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷
開本:787×1092 毫米 1/16 印張:30 印數:1-400 冊
ISBN 7-80645-980-4/Z·61
定價:5000 元(廣東府州縣志 52 種共 23 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

新興縣志卷之二十二

名宦志 論官 流寓 小人罪放貪官酷吏另列

知縣劉 芳重纂

舊志云古賢守令所居無赫赫名去後常令人思蓋其德之入人深也是宦原不取于名然名者實之賓苟非實愛斯民何能名垂後世新興名宦唐以前僅傳區伯虎一人而光燕客為新興丞入對請還家吏民千餘人伏闕上表請作令其深仁厚澤浹洽乎人心者可知乃舊志不載而所傳述不過寥寥數人妄分名目語多率謬殊有缺而不備之譏第世遠年湮見聞寡陋祇就卷帙有據者考訂損益俾後人知名

新興縣志

卷之二十二 名宦

之不可倖邀宦之必有實政斯足以垂不朽若夫賢臣遷謫高士流連宦雖不彰名尤足異不可不與名宦並傳至于小人罪放貪官酷吏彼固惟存患得患失之心豈知名之可畏罪不容誅舊志附列于後雖足示懲然倫類不分今別置一篇不許預于宦名以示炯戒志名宦

名宦

梁

杜僧明字宏照廣陵人形貌眇小而有膽氣善騎射梁大同中盧安典為廣州刺史南江督護僧明與兄天

合及周文育並為安典所啓請與俱行頻征徭務有功為新州防助天合亦有才幹預征伐安典卒僧明復副其子子雄及交州豪士李賁及逐刺史蕭諧奔廣州臺遣子雄與高州刺史孫罔討賁時春瘴方起

子雄請待秋討之廣州刺史新渝侯蕭映不聽蕭諧又促之子雄等不得已遂行至合浦死者十六七引兵還蕭諧啓子雄及罔與賊交通逗遛不進梁武帝勅于廣州賜死天合謀于衆欲為子雄報仇攻蕭映陳霸先時守高要率衆來討大破之殺天合擒僧明及文育等並釋之引為主帥霸先征交趾及討元景

新興縣志

卷之二十二 名宦

仲僧明文育並有功侯景之亂隨霸先入援建鄴霸先于始興破蘭裕僧明為前鋒斬裕梁元帝承節授新州刺史臨江縣子卒贈散騎常侍謚曰威陳文帝卽位追贈開府儀同三司 出省志

陳

區伯虎南海人祖金父頴皆刺史伯虎剛方智勇積有軍功益折節讀書官至新州刺史撫綏民獠政得人

唐

和陳寶應連留異為亂伯虎從都督章明遠討平之功業赫然祀名宦 參省志

宋

光蕪客初為新興丞有德政御史裴茂宗表為令前後
刺史鄧仁裕李宗甫相繼奏請燕客入對得請還家
吏民千餘人伏闕上表長安四年勅為令深仁厚澤
浹洽人心治績卓著可紀 增補

梁立則不傳籍貫熙寧三年知新州修水利於州西南
十里得白鱗坑決其水入城至濠灌喬亭田至今民
以為利祀名宦 參省志

劉衍字成之龍溪人治平間及第授英州推官應材識
兼茂科言時務諷及新法報罷後知潮陽改知新州

新興縣志

卷之二十二 名宦

三

以禦妖賊功特授朝奉郎 參省志

張錫字旼之其先京兆人曾祖山甫常從唐禧宗入蜀
蜀平徙家漢陽中進士甲科試秘書省校書郎遷著
作郎知新州初建學於州作養士類自是人頗知學
遷太常博士樞密直學士李及薦為御史丁謂敗崖
州議內地錫疏謂姦邪弄國本與天下共棄之今復
還遣天下意由是止徙雷州進翰林侍讀學士判太
常寺園子監卒贈工部侍郎淳重清約雖貴奉養如
少賤好讀書老而彌篤初舉廣文館進士考官任隨
以為第一及隨死無子屢周其家祀名宦 參省志

鄧弼亮字韶之乳源人登元祐進士第三世登科有聲
南土為新興令先教化而後刑罰時劉安世鄒浩請
嶺外皆與亮遊稱莫逆云祀名宦 舊志

蘇洵 舊志作洵非字澄老德化人以父任知臨川縣有善政
修法述陂民號蘇公陂通判賓州時張浚為帥以廉

吏舉擢知雷州秩滿赴闕奏三劄一請折納徐聞
丁米以便民一請籍記海舟以緝奸盜一請戒廣西
軍寨不得差人回易改知新州民有來暮之歌移封
州首請戒放丁米及經制無額之數所至民皆德之
參省志

新興縣志

卷之二十二 名宦

四

連南夫德安人建炎間累官廣東轉運使新州饑發粟

賑濟活者萬計以平寇功授建州觀察使 舊志

張夔字致堯潮州海陽人 作徽州者非登政和八年進士宰

茂名諸司薦南中清介一人高宗時賜璽書擢判廉
州廉產沉香生金官此者多黷貨夔至先誓神秋毫
無取時山寇竊發檄諭以禍福令歸農不浹旬盜皆
投戈去高宗書其名於屏曰南有張夔北有周昕紹
興二十年知新州時學校自舍法罷士習委靡夔至
重修郡庠優廩給嚴課程政暇即訪學官與諸生徒
執經問難他郡學者聞風而至又梓五經以頒民間

子弟築陂瀦水灌田千餘頃民稱張侯陂前後皆以清節著五十登第七十致仕卒年九十一所著有祿隱集祀名宦 秦省志

廖玖字粹老連州人紹興中守新州清白有聲月得供給錢悉付公帑以備不虞之用或訝其太過曰吾惟一子既已登科又何求其恬約如此祀名宦 舊志

黃濟字義卿靜江人紹興二十年自肇慶倅攝新州秦置惠民局時多盜賊濟令種芳竹圍城一千二百餘

丈新子城樓興利剔弊諸鄉戶逃亡死絕及漏網未附籍者散榜曉諭立置州前令五鄉民自書其戶所

新興縣志

卷之二十二 名宦

五

管投之署局編排科納隨鄉分甲置一板簿序物力高下甲內賦稅數每年百姓自按板牌輪充戶長用甲簿催徵官司不用差撥不給催引以絕追擾戶口覈實賦役均平民甚德之踰年拜守胡寅記其功績甚詳祀名宦 秦省志

孔元勳番禺人紹興初鄉薦中進士乙科知封州常上機切預防七事多見施行直廣寇薄城邦人大恐元勳率僚屬櫻城自守每事以身先之人為盡力及募善射士連斃二盜餘黨奔潰朝廷以異恩褒賞之轉朝散大夫知新州撫字有聲未及大用而卒父粹熙

寧聞知封州以善政聞改知雷州兼官直學士賜緋魚袋朝散大夫元勳登朝粹熙致仕居礮溪老焉 秦省志

黃揆福州人淳熙十四年知新州時米賤鈔貴例以鈔折租率用數石僅納一石民甚苦之揆至白諸司乞

減租價以甦民困百姓感悅秩滿入覲首以新州折租奏乞徵本色毋得折鈔朝廷嘉納在驛路種榕松民頌至今不衰祀名宦 秦省志

滕安字景袁平江人由大理評事判廣州慶元間辟知新州括閑田修學舍以養士子創立規約三歲律送

新興縣志

卷之二十二 名宦

六

赴省十人正解免解各有等差雖待補亦預焉刻石於學宮士子皆蒙其惠祀名宦 秦省志

唐彪字仲孺靜江人嘉泰三年知新州前此縣道銷丁割稅差役拆戶皆取於民田民甚病之彪始蒞政秦罷縣官供給在公庫支上俞其請邦人感其德 秦省志

王克恭字彥禮淳熙十四年進士歷任教授循州通判廣州海寇掠境力疾督師擒其首以歸辟知新州秦減丁米民甚德之累遷至駕部郎中 舊志

王沂之字春伯晉江人以闕廢歷官知新州有惠政將去民遮留累月後帥璣筦卻例册錢貸民租卒於官

秦省志

黃勳字有功南海人紹興二年進士授永福丞進右朝奉郎知新昌縣有富民子訟析貨不平召其族長諭使直之而訟以息人以爲得大體郭外五里許昏夜有殺人者遺其刃驗之皆豕膏也值早徧禱境內神祇多使人售豕集屠者使宰其中一人乃獨新一鞫卽服進朝散郎知雷州改新州視事首禁火葬違者以逆論偷俗爲改又課民耕犢使上其數於官自是一郡無敢私殺牛者學田不足缺膳羞乃以俸資增置之政暇卽與諸生講經義當時號循吏云終朝散

新興縣志

卷之二十二 名宦

七

大夫 秦省志

吳文震字絃發番禺人紹興壬辰進士初試鬱林司戶權宰有政聲又任南恩司法尤加意獄事囚繫者感之遷新州通判倅欽攝全皆有惠政 舊志

劉藻字廷潔始興人紹興二年進士累官僉書英州判官權知新州爲人質直好義治尙安靜庭無留獄事不付曹革故起斃百姓愛之常新廳事民不告勞胡宣爲之記終朝請大夫 秦省志

元

高芝字國瑞濟南路人大德辛丑知新州清操挺然愛

民禮士惠餼寡到任謁文廟進諸生謂之曰殿敞如

是何以奉先聖季卽度材計庸鳩工重造廟貌改觀又章州倉收糧需索刁難之弊親臨監兌秋毫不擾嘗于驛路栽松竹以便行者祀名宦 秦省志

倉振字濟民真定人延祐辛酉辟知新州盜賊蠹起振至卽赴行營以一乘之使深入賊砦諭以禍福示以恩信群盜帖然投戈均拜更生經理羣事作興學校嘉惠儒生蠲免差役公暇詣學舍日與諸生講明道義賦詠遣懷又于東北二驛夾道栽松與榕以廕行旅先是高芝亦行是政故州人歌曰高松蒼榕一道

新興縣志

卷之二十二 名宦

八

清風祀名宦 秦省志

新州乃嶺西海北通衢炎熱之時靡所棲息嶺西僉事劉洵會修高倉故事令里村分地而植旣植而護之遣官時巡驗勤惰甚美意也然奉行者弗篤洵去而前功復廢 見通志

薛里吉思元統三年守新州興學校填魚塘以廣學宮時土軍挾勢逼徭肆掠私立管軍頭目吉思正其罪白宣司帥府革之委百戶韓帖木兒管其軍令有田者當排年里正坊正等役以蘇民力由是紀綱振政令行往時上糧需求百出多收斛面乃與同知孫升

每日詣倉監視令糧戶自槩民鹽嘗和砂土輕重其包散民取錢前者未輸後者繼至百姓苦之吉思依原價不許雜和重輕散鹽之日親臨禁止吏無侵欺

民皆感戴祀名宦參省志

呂恕字元卿河東人至元十八年廣東宣慰副使歲饑力請賑貸存活甚衆新州有重囚上于宣司恕知非

罪不著牒宣司怒徑驅囚如市將殺之恕與司交訴于行省竟直恕囚得不死州人德之舊志

迭里迷失至正二十三年守新州州古有子城環衛州治年久崩壞庚寅冬西寇破城焚掠殆盡又土獠李

新興縣志 卷之二十二 名宦

九

廣山賊劉天海作亂民無所避逃失至修城濬濠設

甲橋蓋串樓百姓稍稍安集後南恩州吳元良叛寇逼民賴以免害舊志

韓元善不傳籍貫爲新州判官明達政體累擢江南行

臺監察御史祀名宦參省志

明

孫守正洪武二年爲新興縣丞領縣事創建公署百廢

修舉振興學校撫恤黎庶祀名宦參省志

程希瀨臨川人洪武初知新興縣作興士類勸課農桑

以考滿去民有遺恩祀名宦參省志

譚安宜春人永樂元年知新興縣寬厚公平百廢具興秩滿而去庶民思之祀名宦參省志

陳漢閩縣舉人正統七年新興學訓導經明行修訓誨

不倦時土寇攻城漢設策禦敵賊散夫有司以其能

檄往招撫賊首羅宜弟等三萬餘聞風四服邑民賴

之祀名宦參省志

吳廷舉字獻臣蒼梧人進士宏治間官兵備僉事再盜

安民常於邑東北衢種松以廕行旅至今民猶指其

松稱之日吳大夫松

按廷舉身長而瘠面如削爪做衣穿帶不修藻色而

新興縣志 卷之二十二 名宦

十

神采英毅志識雄偉言行必自信人鮮能奪之自入

仕潔已字民力行教化砥礪名節令順德控中貴人

抗御史身親三木副使廣東疏鎮守中貴人罪惡二

十忤蓮荷校不死謫戍馬門叅政江西陷桃源賊中

乃執其首以出効李獻吉橫辰濠將齟齬之致仕論

二宰相而去官至工部尚書無郭外田妻子饑寒年

六十八卒之日不能殮謚清惠舊志

鍾鯨字躍海廬陵人少遊學白鹿洞有名宏治三年知

新興縣身無華衣厨無梁肉侍無勝妾抑豪強恤黎

庶有古君子之風而剛毅寡合後罷去民共惜之祀

名宦 魯省志

方册德興人宣德元年知新興縣正大公勤職滿士民

不忍其去歷官至按察使祀名宦 魯省志

陶魯字自強鬱林人父成爲浙江兵憲擊賊死之魯歷

入監景泰中新會縣丞累功陞本道僉事智勇過人

屢建奇功時鎮西徭賊攻城劫庫歲無寧日魯征勦

救御得斬無數成化二年奏建新興石城撥本縣長

居靜德二都置恩平縣保障之績千載不磨歷陞布

政司廕一子錦衣千戶

按魯機明內蘊而神觀不足或從令尉列見上官獨

新興縣志

卷之二十二 名宦

十一

昏睡雖督榜不恤也大藤峽諸山亂兩廣都御史韓

雍總師討之檄魯隸麾下雍威嚴擬王者二司長吏

見跪白事懼悚若不自勝一日顧峒賊最強難下者

方設策魯直膳左右漫謂曰丞揣我何意魯曰得非

某賊耶雍曰然丞能往否魯曰匪直能且易耳雍

怒曰賊恃險自衛部下文武千人無當吾寄者且使

若食粟能之耳魯不拜抗言曰夫賊難攻者非賊難

也我難其攻賊者也謂魯解食粟不解攻賊者明公

未悉魯也公幸無棄魯使得畢技當悉縛諸醜以獻

雍改容曰若所將幾何而辦曰三百足矣曰何也

曰魯猶以爲多兵費精請任選擇得三百人口

陣法甘苦共之士願爲死先登破賊斬首無數

稱賞言於朝歷功陞布政司 魯省志

李敏廣昌人 舊志作吁江人者非成化間肇慶通判行部到所

見廟學圯壞歸謀諸叅政遂即上其事於督府

允請使往營繕不費公帑不煩民力親董厥工

得宜二年學成規模宏敞煥然改觀士民愛戴

按李敏通判肇慶未常攝新興事學藉創建不

返親爲督率嘉惠新興何優渥也附於名宦以

不 舊志

興志

卷之二十二 名宦

十一

蒙 蒼梧人宏治七年知新興縣政尙寬平巡

以勸農爲急務稍暇則勸勉諸生士民懷之

化知府祀名宦 魯省志

王大用字時行儀徵人正德戊辰進士嘉靖初爲嶺南

兵備副使惠困窮威桀黠時嶺西徭浪盜警督府檄

大用經畧晝夜荒蕘間相機擒剿新興盜賊始平民

賴更生歷官右都御史 魯省志

周經廣西桂林人歲貢嘉靖間爲新興教諭存心以誠

處物以恕凡諸生之勉於學則喜以獎之怠于學則

嚴以勵之其謀利使氣行檢不修者絕之時值歲荒

當道委以踏勘處置得宜民感其惠同妻馮氏俱卒於任諸生哀而厚賻之以還其柩祀名宦舊志

胡堯時字子中江西泰和人嘉靖乙未進士由給事中謫知新興縣承積弊之後勤政郵民治尚寬恕明正學以興士類救荒有策御徭有方在任四年頑民向化歷陞按察使祀名宦參省志

王民順字道服金谿人隆慶辛未進士初令廣寧調

新興為政以修身為本正風俗禁囂訟事無鉅細悉親決吏不敢欺政暇與諸生講聖賢之學居新二年謳歌之聲徹于閭里殲芙蓉都賊百餘自是腰古道

興縣志 卷之二十二 名宦

無剽掠修文昌橋民甚德之召為御史官至雲南方

伯祀名宦參省志

朱泗澄海人歲貢為新興司訓檢身以禮待士以誠月會諸生于學舍而課之供其餼廩貧士饋遺以他辭却其不沽名類如此舊志

俞大猷福建晉江人廣東都指揮僉事嘉靖二十八年

守備新興擒賊首譚青蛇蘇青竹譚元清等縣治肅清搖療攝服為邑士夫所敬重檄征安南老穉遮留不忍其去及陞叅將猶冀其來不媿古名將舊志

材字孟誠豐城人進士嶺西兵備僉事時恩賜諸寇

痛毒各縣督府殷正茂屬材討之道經新興督御將卒所過無犯常講學于道一書院士子知有性命之學歷官至鄖陽都御史舊志

姚舜牧字牧之烏程人由舉人知新興縣稟性聰明遇事敏練悉心以周民隱釐弊清蠹案牘無留發粟賑饑區畫得策里甲向苦差役為立月頭做雇役法行之無弊修志書作五經疑問祀名宦子祚端萬歷乙未進士為名御史參省志

武進人歲貢萬歷二十六年知新興縣禮士愛民流風善政膾炙人口未竟厥施而去祀名宦子祖

新興縣志 卷之二十二 名宦

望崇正辛未進士舊志

毛一策四川忠州人歲貢新興教諭端凝和藹士之從學者如坐春風月課生徒供其餼廩人懷樂育遷衡州府教授舊志

楊成喬字維嶽當塗人萬歷辛丑進士知新興縣清操

自勵當積弊之後力為振刷鋤姦剔蠹復月頭革常例培龍建塔尤勤課士精藻鑑月必三試俱親品題士登科第者皆出其門常分校廣東鼎元黃士俊倫鑿修黃聖期皆其所授歷台輔為名臣參省志

婁文憲會稽人吏員新興典史信厚謹恪勤於捕務崇

正十五年賊首蘇廟且劫掠午村熹同署縣事通判何鳴鸞舉人潘毓珩率鄉勇往援力戰於白馬坳會官兵先潰被殺邑人哀憤至今不忘舊志雍正五年祀忠義祠

國朝

李棲鳳字瑞吾奉天人為諸生即以天下為己任由內院副理事官補東昌荆南二道遷湖廣右藩巡撫安徽所至有政績順治六年平靖兩藩統師平粵

世祖章皇帝念巡撫重任必得才畧兼優威望素著始稱是職

特簡棲鳳以僉都御史撫粵棲鳳與兩藩先定南韶二郡揚

新興縣志

卷之二十二 名宦

五

帆直下廣州遂平棲鳳軍容整肅諸將凜凜莫敢仰視然剿撫並用動合機宜未常一于嚴厲也撫粵八年杜請托絕饋遺省刑薄斂勞來安集粵民賴之類年山海叛服不常兩藩羽檄交馳棲鳳居中調停陰受和平之福尋加兵部侍郎巡撫如故順治十一年始開制府以李率泰典軍事而民瘼政治則資棲鳳為學畫與制軍相得益彰十四年考滿加兵部尚書賜表裏緞布加十五年率泰遷浙閩總督去以棲鳳代其官時西省海南兩郡未平東省尙多伏莽棲鳳受事五月即檄調梧柳高廉各鎮三路進軍恢廓兩郡東粵

積年巨盜如鄧耀黃占三王與楊二蕭國隆俱相繼就縛各烏蠻土司暨交趾諸郡舊服歸其我

國家南顧金甌無缺棲鳳功稱首十七年加太子少保十八年予告歸卒于家

命官祭之棲鳳在粵十二年粵人思之祀名宦省志

李率泰字壽壽滿州人由勲衛任為刑部侍郎從大軍定三吳下閩粵威望素著順治十年以兵部侍郎總督兩廣入境即省厨傳劾貪污輕徭役西逆李定國入犯力禦之會靖南將軍兵大破于新會城下走其衆遂復高雷諸郡先是新會被圍城中食盡守者人

新興縣志

卷之二十二 名宦

五

相食徧掠城內婦女率泰力言于平藩釋者千人民立李公祠擢兵部尚書遷浙閩總督後卒于閩省志孔毓珣號松菴 至聖六十七代孫歷官至廣西巡撫雍正二年

以毓珣練兵有方遂授廣西總督踰年總制兩廣晉階大司馬毓珣練達機務轉圖敏妙大政小事各無凝滯粵素多盜治之者恒失要領盜熾毓珣嚴保甲整斥堠信賞必罰密捕盜魁立賞諸法黨與震恐悔罪自投者二百四十餘人盜患遂熄又綜覈全粵山海形勢瞭如指掌兵防營制井井如畫移香協都司於

潭州設專營守備于從化駐鎮標遊擊于增城調瓊山縣丞于海口改碣石衛為同知升連州為直隸諸所措置詳審精密不錯寸趾粵東春夏兵精孔亟而粟米之征未遑倉中穀陳陳相因莫敢擅發毓珣請以倉穀春米給兵利成還穀無不稱便又以肇惠為督臣提臣駐節之所潮州南澳碣石各鎮協管統計弁兵凡二萬四千四百六十人非貯穀二萬八千七百餘石灌輸之不可加以建倉運費非得朱提一萬六千餘兩籌畫之不可毓珣疏言臣署有無礙銀協此數願以

新興縣志 卷之二十二 名宦 七

皇上之賜贍

皇上之兵

詔嘉許之復區七千金增製各營兜鍪組練千鹵交鏃弓矢飛礮之屬軍容整肅壁壘一新焉四年秋偶患積雨廣肇惠十一邑被水毓珣疏言廣西桂梧南柳四郡鬱寶兩州貯穀頗多平糶外猶足協濟請先運三十萬石而東以四萬石貯肇以二十六萬石貯廣州

詔報可而粵東米價遂平他若重圍基而請監司督修築海塘而禦雷州潮汐颺政舉而買人各安其業洋禁開而梯航相望以來皆績之卓卓可紀者六年冬

上命割廣西一省屬雲貴毓珣益得專力于廣東矣制粵以

來恭刊

聖主歷年

上諭莊誦彞繹七年秋遷河道總督未幾奉子官省志

朱宏祚字徽蔭山東高唐州人順治戊子舉人起家

肅令以卓異薦歷任直隸守道

聖祖仁皇帝悉其能於康熙二十七年

命巡撫粵東

陛辭日有言人所不能言為人所不能為之語

聖祖壯之賜白金鞍馬以寵其行出都日單車走度嶺憫役

新興縣志 卷之二十二 名宦 八

夫之苦給以直且立石道左自後役不濫派宏祚始也既抵任首念粵嶽政漸壞疏陳其弊一清陋規以勵臣志一禁換準以靖奸風一定鹽價以杜橫索一專緝捕以免株連語語剴切商民德之衛所屯田舊稅三斗為額頗重戍者多逃亡宏祚疏請減其額并裁補徵之項弁兵賴焉瓊郡遠居海外兵燹後澄邁臨高二邑錢糧逋欠至七萬一千九百兩有奇而高郡之吳川復以流亡失業有無徵銀四萬二千兩有奇米四千一百石有奇宏祚皆疏免其累廣州由水道赴惠潮港汊通海商旅思朕踪跡詭秘莫得渠

魁宏祚為文檄城隍之神密捕之盜皆獲悉繫鎖鑰投諸江盜遂息其整綱飭紀摘伏除姦皆此類世謂

先資之言見於

廷見兩語良不負所學云康熙三十二年擢浙閩總督崇

祀廣東名宦省志

楊宗仁奉天正白旗人明警廉雋康熙五十八年巡撫

粵東洗剔陋例褫屬吏之貪墨除重克之革役懲終

訟之刁風官師肅軌奸猾潛跡又知人善任凡所調

援之員無負厥職前此撫粵者親屬相隨頗多宗仁

僅携十數人耳粵東山海交錯向行保甲日久廢弛

新興縣志

卷之二十二 名宦

九

宗仁法在必行否則劾其令盜遂屏息尤加意作人

振舉學校庚子鄉試監臨盡除宿弊凡宗仁所行政

事必貫于誠實之心外視之凜凜不可犯而中含和

煦撫粵四載擢湖廣總督加太子少保登車之日粵

童叟泣而攀轅不能進後三年卒于楚加贈少保

賜謚清端

本朝總督得此易名者數人而已粵人聞其沒咸哀之請

祀名宦子文乾別有傳省志

楊文乾字元統宗仁子也敏練嚴重有大臣幹局自少

能撥煩治劇初任山東曹州牧擢守東昌遷陝西榆

林道會宗仁總督兩湖

奏以自隨

上加按察使銜令赴楚雍正二年起授河南布政使司疏諮

祥符中牟封邱等縣虛糧豫人德之四年授廣東巡

撫文乾自以三載之內父子秉鉞茲土

君恩父業淬厲以承甫五日即丁父憂會有奪情之

命文乾不敢違墨縷視事時值歲祲文乾告糴四方聚米實

倉減價平糶貧不能市糧者按口賑給奸民肆梗立

寘之法秋東莞博羅等五縣被水文乾方監試棘圍

郎疏請蠲賑復出俸金先給災民尤重農事嚴察基

新興縣志

卷之二十二 名宦

十

圍高其舊址俾西江之水不溢出為田患督理海關

秋毫不以目潤

上有操守勝人實心辦事整飭官民不避嫌怨之褒服未闕

請假羣親赴京召對

特賜御書整躬率屬匾額六月

命往清理閩連秉公無隱次年事竣復回粵撫任先是文乾

在閩時聞粵米價騰貴士卒苦饑即發贏金數千兩

有奇遣使齎犒兩營荷戈之士載道歡呼是年文乾

竟以國事勞瘁卒于任遠近悲痛文乾撫粵三年嚴

而濟之以寬所薦拔多至方面大僚著懋績南洋皆

船有失風漂徙皆資以餼廩俾得還國歿後
朝廷念文乾功因

勅所過地方一體致祭錄次子應瑤為戶部員外郎旋擢河

東分守道甘肅布政山東巡撫兩廣總督調浙閩總

督粵人感文乾遺澤請祀名宦省志

劉可模福建龍溪人舉人順治四年知新興縣禮士愛

民力守危城保全舊命出秋官志

劉衍民山西解州人歲貢順治十二年知新興縣時經

西寇蹂躪十室九空上司檄催七八九十一各年

錢糧衍民一概寬征元氣稍甦未幾致政百姓至今

新興縣志

卷之二十二 名宦

主

思之出秋官志

查蜚英浙江海鹽人舉人順治十三年知新興縣崇文

講學獎勵後進善甄鑒課試輒拔其尤改建五賢祠

置筠城書院集多士誦讀其中暇則倡和詩詞揮酒

翰墨邑之風雅自茲而昌以憂去民為立碑附祀五

賢祠舊志

樓日章浙江諸暨人吏員康熙五十一年知新興縣清

丈田畝繪造魚鱗圖冊農民至今利賴設立甘棠義

塾撥田以供脩脯久遠昭垂益加鼓舞出秋官志及甘棠義塾碑

記

魯遐齡浙江會稽人進士雍正九年知新興縣改創古

筠書院講學課士文教振興多士至今傳誦出古筠書院碑

記

左鵬江南桐城人東莞丞署新興縣老成謹飭斂事慎

言倡修古筠書院贖公田設膏火鼓勵人才出古筠書院碑

記

請宦

唐

張柬之字孟將襄陽人少補太學生涉獵經史尤好三

禮擢進士第補清城丞永昌元年以賢良徵試策者

新興縣志

卷之二十二 名宦

主

千餘人擢第一拜監察御史聖歷初累遷鳳閣舍人

時年七十餘以忤旨出為合蜀二州刺史復為荊州

長史長安中武后謂狄仁傑曰安得一奇士用之仁

傑曰陛下求文章資歷今宰相李嶠蘇味道足矣豈

文士離齷不足與成天下務哉后曰然仁傑曰荊州

長史張柬之雖老宰相才也后召為雒州司馬數日

復問仁傑曰臣薦柬之未用也后曰已遷矣仁傑曰

臣薦宰相非司馬也乃授司刑少卿遷秋官侍郎時

姚崇為靈武軍使將行后詔舉外司堪為相者崇曰

張柬之沈厚有謀能斷大事其人既老惟亟用之即

日召見拜同平章事進鳳閣侍郎初東之為荊州
史時與楊元琰相代同泛江至中流語及武后董
事元琰慨有匡復之志及作相引元琰為右羽林
軍謂曰君曾記江中言乎至是同桓彥範等舉兵
二張以首發大謀擢天官尚書封漢陽郡公食實封
五百戶未幾遷中書令監修國史月餘進封漢陽
王加授特進其年中宗復用武三思為司空東之諫
不聽歎曰吾所以不誅諸武者欲使上自誅之以
天子之威耳今如此復奈何遂表歸襄州養疾乃
襄州刺史上親賦詩祖道東之至襄州持下以法

興縣志

卷之二十二 名宦

三

親舊無所貸神龍二年王同皎謀誅武三思事覺
思遂誣東之等同逆于是五王皆長流而東之貶
州司馬三思遣周利正擢侍御史就嶺外矯制殺之
東之已憂憤先卒年八十二景雲元年贈中書令謚
文貞祀五賢祠 參省志

郭元振名震以字著魏州貴鄉人長七尺美鬚髯少

大志年十六為太學生十八舉進士累官兵部尚書

同中書門下三品元宗誅太平公主睿宗御承工

諸宰相走伏外省獨元振總兵扈帝以待衛

國公兼御史大夫復為朔方總管未行會元

驪山既三合帝親鼓之元振遠奏乃止帝怒軍容

整引坐薰下將斬之劉幽求張說叩馬諫曰元振右

翼贊大功雖得罪當宥乃赦死流新州開元元年元

宗思舊功起為饒州司馬道病卒年五十八贈太子

少保元振少豪邁及貴居處乃儉約手置書人

見其喜怒云 參省志

裴虛已不知何許人任光祿少卿駙馬都尉元宗時

諸王不與羣臣交結虛已坐與岐王遊宴流新州

杜位襄陽人甫之從子至德中與甫同在尚書嚴武

貶新州叅軍十年得還甫以詩寄之後夔州司

新興縣志

卷之二十二 名宦

名宦

詩載藝
文舊志

盧藏用神龍中尚書右丞流新州 舊志

宋

劉安世字器之大名人從學司馬光諒盡心行己之

光教以立誠且令自不妄語始元祐初為諫議大

抗論章惇等數十疏元符元年蔡京治同文館獄

因諷之以併陷安世貶少府少監新州別駕安置

州詔徙梅州惇與蔡下必欲置之死因使者入海島

殺陳衍諷令過安世脅使自裁使者不忍又擢土豪

為轉運判官令殺之判官承意疾馳將至梅郡守遣

客勸自爲計安世色不動對客飲酒談笑自若徐書數紙付其僕皆經紀同貶當死者之家事也後判官未至二十里嘔血而斃安世得免亦無喜色投荒六年累涉瘴鄉氣不少挫蘇軾以爲鐵漢宣和六年復待制卒謚忠定

從省志增補按安世既貶新州別駕應入志

劉鞏字莘老永靜東光人擢甲科高第爲南宮令用韓琦薦校勘館閣哲宗卽位擢侍御史正色彈劾多所貶黜百僚敬憚時人以比包拯呂誨累遷尙書右僕射性峭直有氣節通達明銳觸機輒發不爲威怵利誘故與邢恕善又間與章惇接竟爲朋黨所中以觀

新興縣志

卷之二十二 名宦

五

文殿學士罷知軍州紹聖四年陷邢恕之謗貶鼎州團練副使新州安置惟一子從家人泣涕願侍不聽至新州數月以疾卒年六十八徽宗立用子跂請得歸塋贈少師謚忠肅

秦省志

鄒浩字志完晉陵人第進士穎昌府教授元祐中上疏論事哲宗親擢爲右正言所友善監京城門許人田晝往見曰君平生所自許者何如浩曰上遇羣臣未常假辭色於浩差若喜天下事固不勝言意欲待深相信而後發期有益也晝然之有請以王安石三經試舉人者浩論其不可而止時章惇用事已廢孟后

遂立劉后浩上疏極諫坐除名羈管新州時畫家居邠狀立后報至曰志完不言可以絕交矣至是浩得

放經許畫迎諸塗浩出涕畫曰使志完隱默官京師遇寒疾五日不發汗死矣安在嶺海之外能死人哉君宜珍重士所當爲未止此也浩謝曰君贈我厚矣徽宗立召還復爲右正言進中書舍人遷吏兵二部侍郎初浩還朝帝首及諫立后事因問諫章安在對曰已焚矣退以告陳瓘瓘曰禍其始此乎異時姦人妄出一緘不可復辨也蔡京用事素忌浩乃使其黨爲僞疏徽宗詔暴其事羸昭州五年始得歸稍復直

新興縣志

卷之二十二 名宦

美

龍圖閣卒年五十二高宗卽位贈寶文閣直學士謚

曰忠祀五賢祠

秦省志

胡銓字邦衡廬陵人建炎元年策士銓答策萬餘言高

宗見而異之將冠多士有忌其直者移至第五授撫軍州事判官紹興五年兵部尙書吳祉以賢良方正薦賜對除樞密院編修宰臣秦檜決策主和金使以詔諭江南爲名中外洵洵銓抗疏極言乞斬王倫秦檜孫近書旣上檜以銓狂妄凶悖詔除名編管昭州中外給舍臺諫及朝臣多救之乃以銓監廣州鹽倉十二年諫官羅汝楫劾銓橫議除名編管新州十八

年新州守臣張棟誣銓謫訕怨登謫吉陽軍檜死量
 移衡州銓之初上書也宜興進士吳師古錄木傳之
 金人募得其書予千金孝宗隆興元年應詔上書數
 千言二年除權兵部侍郎乾道初除寶文閣待制資
 政殿學士留經筵銓力求去乃以數文閣直學士與
 外祠陞辭上問曰卿何歸銓曰歸廬陵臣向在嶺海
 常訓傳諸經欲成之卒謚忠簡有澹菴集一百卷行
 世祀五賢祠 舊志

胡寅字明仲建寧崇安人安國弟之子也寅將生弟婦
 以多男欲不舉安國妻夜夢大魚躍盤中急往取而

新興縣志

卷之二十二 名宦

七

子之少桀黠難制父閉之空閣上有雜木寅盡刻為
 人形安國曰當有以移其心別置書數千卷年餘遂
 成誦中進士甲科除秘書省校書郎楊時為祭酒寅
 從之受學遷司門員外郎金人陷京坡議立異姓寅
 與張浚趙鼎逃太學中不書議張邦昌偽立寅棄官
 歸紹興四年復召為駕部郎遷中書舍人累官禮部
 侍郎徽猷閣直學士嘗草詔追廢王安石配享行遣
 章惇蔡卞人皆快之尋乞致仕復上書言天下事泰
 槍忌寅坐與李光書落職責授果州團練副使新州
 安置命下日即就道在新州著讀史管見及論語詳

說皆行于世檜死彙復其官卒年五十九祀五賢祠
蔡省志

王履元符末坐上書謫貶新州後以修武郎副本若水
 使金不屈死 舊志

張松字茂才淳熙元年自淮西總領謫新州未幾謫南
 恩州 舊志

流寓

宋

巢谷字元修眉山農家子也舉進士不第去遊秦鳳涇
 原間所至友其秀傑軼轍兄弟在朝貴顯谷浮沉里

新興縣志

卷之二十二 名宦

七

中禾常一見及謫徙士大夫皆諱與之遊平生親友
 無復相聞者各獨慨然自眉山欲徒步訪之聞者皆
 笑其狂元符元年正月自梅州遺轍書曰我萬里步
 行見公今至梅矣不旬日必見死無恨轍驚喜曰此
 非今世人古之人也既見握手相泣道平生逾月不
 厭時谷年七十有三矣瘵瘠多病將復見軾於海南
 轍憫其老止之曰君意則善自此至儋數千里復當
 渡海此非老人事也谷曰我自視未即死公無止我
 聞其橐無數十錢轍資遣之行至新州遂病卒轍聞
 哭之失聲歸其喪 蔡省志